

litatem Officii. Si proprium non habeat, recurrat ad Commune Sanctorum. Si de Feria agendum sit, et propria Missa non fuerit de Feria, dicatur Missa præcedentis Dominicæ, omissis *Gloria in excelsis*, et Symbolo: præterquam Tempore Paschali, in quo semper dicitur *Gloria in excelsis*, ut supra, excepta Missa Rogationum; et in Adventu prætermittur *Alleluja* post Graduale, cum suo Versu. Si dicenda sit Missa Votiva, requiratur post Commune Sanctorum suo loco. Si plures Orationes dicendæ sint, requirantur post Missas Votivas suo loco de singulis rebus singulæ. Si pro Defunctis dicenda sit Missa, habetur post Missas Votivas cum collectis diversis circa finem Missalis. Ordo totius Missæ cum Præfationibus, Canone, et aliis dicendis, habetur suo loco, cum Proprio Missarum de Tempore.

XV. DE HORA CELEBRANDI MISSAM

1. Missa privata saltem post Matutinum et Laudes quacumque hora ab Aurora usque ad Meridiem dici potest.

2. Missa autem Conventualis, et solemnis sequenti ordine dici debet. In Festis Duplicibus et Semiduplicibus, in Dominicis, et infra Octavas, dicta in Choro Hora Tertia. In Festis Simplicibus et in Feris per annum dicta Sexta. In Adventu, Quadragesima, et Quatuor Temporibus, etiam infra Octavam Pentecostes, et Vigiliis, quæ jejunantur, quamvis sint dies solemnes, Missa de Tempore debet cantari post Nonam.

3. Missa autem Defuctorum dici debet post Primam diei: ubi vero dicuntur eorum Vigilæ mane post Matutinum diei, dictis hujusmodi Vigiliis cum Laudibus immediate dici potest Missa pro Defunctis. Sed in die Commemorationis omnium fidelium Deflectorum Missa Conventualis dicitur post Nonam, quia eo die est principalis. In die autem Depositionis Defuncti, vel Tertio, Septimo, Trigesimo aut Anniversario solemni, in quo fit concursus populi, poterit similiter dici ultimo loco post Nonam.

4. Excipiuntur ab hoc ordine dicendi Missam Conventualem, Missæ in Nativitate Domini, quarum prima dicitur post medium noctem, finito *Te Deum laudamus*, in Matutino: secunda in Aurora, dictis Laudibus, et Prima: tertio vero in die post Tertiam, vel ubi aliter ex dispensatione Apostolica disponatur.

5. Missæ votivæ, quia non correspondent Officio, si solemniter celebrentur pro re gravi, vel publica Ecclesiæ causa, cum populi frequentia, dicantur post Nonam.

XVI. DE HIS QUÆ CLARA VOCE, AUT SECRETA DICENDA SUNT IN MISSA

1. In Missa privata clara voce dicuntur Antiphona, et Psalmus ad introitum, Confessio, et quæ sequuntur, excepta Oratione *Aufer a nobis*, et *Oramus te, Domine, per merita Sanctorum tuorum*, etc. Item Introitus, *Kyrie eleison*, *Gloria in excelsis*, *Dominus vobiscum*, *Oremus*, *Flectamus genua*, *Levate*, Oratio vel Orationes, Prophetiae, Epistola, Graduale, Versus, Tractus, Sequentia, Evangelium, *Credo*, Offertorium, *Orate, fratres*, solum hæc duo verba, Prefatio, *Nobis quoque peccatoribus*, solum hæc tria verba. Item *Per omnia sæcula sæculorum*, etc., cum *Pater noster*, *Per omnia sæcula sæculorum*, cum *Pax Domini*, *Agnus Dei*, *Domine, non sum dignus*, hæc quatuor verba tantum, Communio. Oratio vel Orationes post Communione, *Humiliate capita vestra Deo*, *Ita Missa est*, vel *Benedicamus Domino*, vel *Requiescant in pace*, Benedictio et Evangelium *In principio*, vel aliud Evangelium. Alia omnia dicuntur secreto.

2. Sacerdos autem maxime curare debet, ut ea quæ clara voce dicenda sunt, distinete et apposite proferat, non admodum festinanter, ut advertere possit quæ legit, nec nimis morose, ne audientes tædio afficiat, neque etiam voce nimis elata, ne perturbet alios, qui fortasse in eadem Ecclesia tunc temporis celebrant; neque tam submissa, ut a cir-

cumstantibus audiri non possit, sed mediocri, et gravi: quæ et devotionem moveat, et audientibus ita sit accommodata, ut quæ leguntur, intelligent. Quæ vero secreto dicenda sunt, ita prouuntiet, ut et ipsem se audiat, et a circumstantibus non audiatur.

3. In Missa solemnii quando dici debent a Celebrante *Gloria in excelsis* et *Credo*, intonantur, et cantantur *Dominus vobiscum*, et Orationes ante Epistolam, *Dominus vobiscum*, *Oremus ante Orationes* et ante Offertorium, *Præfatio*, *Per omnia sæcula sæculorum*, cum *Pater noster*, *Per omnia sæcula sæculorum*, cum *Pax Domini*: et Orationes post Communionem. Alia quæ in Missa privata dicuntur clara voce, in Missa solemnii a Celebrante dicuntur submissa voce.

XVII. DE ORDINE GENUFLECTENDI, SEDENDI, ET STANDI IN
MISSA PRIVATA ET SOLEMNI

1. In Missa privata Sacerdos genuflectit, quando legit Evangelium S. Joannis, *In principio*, ad illa verba: *Et verbum caro factum est*, et in Evangelio Epiphanie *Cum natus esset Jesus*, ad illa verba: *Et procidentes adoraverunt eum*. Item in Evangelio Ferriæ quartæ post Dominicam quartam Quadragesimæ ad illa verba in fine: *Et procidens adoravit eum*. Item genuflectit in Dominica Palmarum, et in Missis de Cruce ad illa verba in Epistola: *In nomine Jesu omne genuflectatur*, etc., et quando legitur Passio ad illa verba: *Expiravit, vel emisit spiritum*, ut suis locis notatur. Item genuflectit, cum dicit: *Flectamus genua*. Item quando in Quadragesima dicit in Tractu *¶* *Adjuva nos Deus*, etc. et in omnibus Missis de Spiritu sancto, cum dicit *¶* *Veni sancte Spiritus, reple tuorum*, etc. Item quando Sacramentum in Altari discoopertum appetit, genuflectit quoties ante illud transit in medio Altaris, et quandcumque in Ordine Missæ, et in ritu servando in celebratione Missæ notatur, quod debeat genuflectere.

2. Circumstantes autem in Missis privatis semper genua flectunt, etiam tempore Paschali, præterquam dum legitur Evangelium.

3. In Missa solemnii Celebrans genuflectit ad omnia supradicta, præterquam ac *Flectamus genua*, et tunc ipse solus stat. Diaconus vero et Subdiaconus, et omnes alii genuflectunt. Ad Versum vero *Adjuva nos Deus*, etc., et ad Versum *Veni, sancte Spiritus*, etc., genuflectit usque ad finem. Item genuflectit in die Annuntiationes beatæ Mariae, et in tribus Missis Nativitatis Domini, quando cantatur in Choro: *¶* *Et incarnatus est*, etc. Aliis diebus, si sedeat cum cantantur ea verba non genuflectit, sed caput tantum profunde inclinat apertum: si non sedet, genuflectit.

4. Ministri semper genuflectum cum Celebrante, præterquam Subdiaconus tenens librum ad Evangelium, et Acolythi tenentes candelabra, qui tunc non genuflectunt. Et cum Diaconus cantat illa verba ad quæ est genuflectendum, ipse versus librum, Celebrans et omnes alii versus Altare genuflectunt.

5. In Choro semper genuflectitur ab iis qui non sunt Prælati, ad Confessionem cum suo Psalmo. In Missis autem Feriarum Adventus, Quadragesimæ, Quatuor Temporum et Vigiliarum, quæ jejunantur, ac in Missis Defunctorum genuflectunt omnes etiam ad Orationes, et dicto per Celebrantem *Sanctus*, usque ad *Pax Domini*, et ad Orationes post Communionem et *Super populum*, excepta Vigilia Paschæ et Pentecostes, ac Natavitatis Domini, et Quatuor Temporibus Pentecostes. Et similiter ab omnibus genuflectitur, quando elevatur Sacramentum.

6. In Missa item solemnii Celebrans medius inter Diaconum et Subdiaconum sedere potest a cornu Epistolæ juxta Altare, cum cantatur: *Kyrie eleison*, *Gloria in excelsis Deo* et *Credo*: alio tempore stat ad Altare, vel genuflectit, ut supra.

7. In Choro non sedet, qui actu cantant, reliqui autem possunt sedere quando Celebrans sedet, et præterea dum cantantur Epistola, et Prophetiae, Graduale, Tractus, vel *Alleluja*, cum Versu, ac Sequentia: et ab Offertorio usque ad incensationem

Chori, et si non incensatur, usque ad Præfationem, et ad Antiphonam, quæ dicitur Communio. Ad alia stant vel genuflectunt, ut supra.

XVIII. DE COLORIBUS PARAMENTORUM

1. Paramenta Altaris, Celebrantis, et Ministrorum debent esse coloris convenientis Officio, et Missæ diei, secundum usum Romanæ Ecclesiæ: quæ quinque coloribus uti consuevit, Albo, Rubeo, Viridi, Violaceo, et Nigro.

2. Albo, colore utitur a Vesperis Vigilæ Nativitatis Domini, usque ad Octavam Epiphanie inclusive, exceptis Festis Martyrum, quæ infra eam veniunt. In Festo Ss. Nominis Jesu, Feria quinta in Cœna Domini, et Sabbato sancto in Officio Missæ, et ab illo die usque ad Sabbathum in Vigilia Pentecostes ad Nonam in Officio de Tempore, præterquam in Missa Litianarum, et Rogationum. In Festo Ss. Trinitatis. In Festo Corporis Christi. In Festo Cordis Jesu. In Festo Transfigurationis Domini. In Festis beatæ Mariæ Virginis, præterquam in benedictione Candelarum et Processione, quæ fit in Festo Purificationis ejusdem. In Festis Angelorum. In Nativitate S. Joannis Baptistæ. In principali Festo S. Joannis Evangelistæ, quod celebratur infra Octavam Nativitatis Domini. In utraque Cathedra S. Petri. In Festo S. Petri ad Vincula. In Conversione S. Pauli. In Festo Omnis Sanctorum. In Festis Confessorum Pontificum, et non Pontificum, et Doctorum. In Festis Ss. Virginum non Martyrum, et nec Virginum nec Martyrum. In Dedicatione et Consecratione Ecclesiæ, vel Altaris, ac in Consecratione Summi Pontificis, et in Anniversario Creationis, et Coronationis ejusdem, et Electionis, et Consecrationis Episcopi. Item per Octavas prædictorum Festorum, quæ Octavas habent, quando dicitur Missa de Octava, et in Dominicis infra eas occurribus, quando in eis fit Officium de Dominicis; præterquam in illis Dominicis, quibus tributus est color violaceus. In Missis Votivis supra-

dictorum Festorum, quocumque tempore dicantur: et in Missa pro Sponso et Sponsa.

3. Rubeo colore utitur a Vigilia Pentecostes in Missa usque ad Sabbathum sequens finita Nona et Missa. In Festis S. Crucis et Pretiosissimi Sanguinis Domini. In Decollatione S. Joannis Baptistæ. In natali Ss. Apostolorum Petri et Pauli, et in Festis aliorum Apostolorum (exceptis Festo principali S. Joannis Evangelistæ, post Nativitatem Domini, et Festis Conversionis S. Pauli, et Catedræ S. Petri, et ejus Vinculorum). In Festo S. Joannis ante Portam Latinam. In Commemoratione S. Pauli Apostoli. In Festis Martyrum, excepto Festo Ss. Innocentium, quando non venerit in Dominica; si autem in Dominica venerit, utitur rubeo, in ejus vero die Octava semper utitur tubeo, quocumque die ocurrat. In Festis Ss. Virginum Martyrum, et Martyrum non Virginum. Item per Octavas prædictorum Festorum, quæ Octavas habent, quando fit de Octava, et in Dominicis infra eas Octavas occurribus, eodem modo, ut dictum est supra de colore albo. Item in Missis votivis supradictorum Festorum, et in Missa pro eligendo Summo Pontifice.

4. Viridi colore utitur ab Octava Epiphanie usque ad Septuagesimam, et ab Octava Pentecostes usque ad Adventum exclusive, in Officio de Tempore, excepta Dominica Trinitatis, ut supra, ac exceptis Dominicis infra Octavas occurribus, in quibus color Octavarum servatur: exceptis etiam Vigiliis, et Quatuor Temporibus, ut infra.

5. Violaceo colore utitur a prima Dominica Adventus in primis Vesperris usque ad Missam Vigiliæ Nativitatis Domini inclusive: et a Septuagesima usque ad Sabbathum sanctum ante Missam inclusive, in Officio de Tempore, excepta Feria quinta in Cœna Domini, in qua utitur albo: et Feria sexta in Pasce, in qua utitur nigro, ut infra: et benedictione Cerei, in Sabbato sancto, in qua Diaconus, illius Præfationem dicens, solus utitur albo: ea autem finita, violaceo, ut prius. Item in Vigilia Pentecostes ante Missam a prima Prophetia usque

ad benedictionem Fontis inclusive. In Quatuor Temporibus, et Vigiliis, quæ jejunantur, exceptis Vigilia, et Quatuor Temporibus Pentecostes. In Missa Litaniarum in die S. Marci Evangelistæ, et Rogationum, et in Processionibus, quæ his diebus fiunt. In Festo Ss. Innocentium, quando non venerit in Dominica. In benedictione Candelarum in die Purificationis beatae Mariæ, et in benedictione Cinerum ac Palmarum, et in ipsa Dominica in Palmis, et in earumdem, ac generaliter in omnibus Processionibus: exceptis Processionibus sanctissimi Sacramenti, et quæ fiunt in diebus solemnibus vel pro gratiarum actione. In Missis de Passione Domini, pro quacumque necessitate, pro peccatis, ad postulandam gratiam bene moriendi, ad tollendum schisma, contra paganos, tempore belli, pro pace, pro vitanda mortalitate, pro, iter agentibus, et pro infirmis.

6. Nigro colore utitur Feria sexta in Parasceve, et in omnibus Officiis et in Missis Defunctorum.

XIX. DE QUALITATE PARAMENTORUM

1. In Officio Missæ, Celebrans semper utitur Planeta super Albam.

2. Si autem sit Episcopus, sive Abbas habens usum Mitræ et Baculi, ac cæterorum Pontificalium, et solemniter celebret, super Dalmaticam et Tunicellam.

3. Pluviali utitur in Processionibus, et Benedictionibus, quæ fiunt in Altari. Item in Officio Laudum, et Vesperarum, quando solemniter dicuntur. Eodem utitur Assistens Celebranti in Missa Pontificali. Item quando Celebrans post Missam Defunctorum facit in fine Absolutionem.

4. Cum Celebrans utitur Pluviali, semper deposit Maniculum, et ubi Pluviale haberi non potest, in Benedictionibus, quæ fiunt in Altari, Celebrans stat sine Planeta cum Alba et Stola.

5. Dalmatica et Tunicella utuntur Diaconus et Subdiaconus in Missa solemni, et Processionibus,

et Benedictionibus, quando Sacerdoti ministrant.

6. In diebus vero jejuniorum (præterquam in Vigiliis Sanctorum), et in Dominicis et Ferris Adventus, et Quadragesimæ, ac in Vigilia Pentecostes ante Missam (exceptis Dominica Gaudete, etiamsi ejus Missa infra Hebdomadam repetatur, et Dominica Lætare, Vigilia Nativitatis Domini, Sabbato sancto in benedictione Cerei et in Missa, ac in Quatuor Temporibus Pentecostes), item in benedictione Candelarum, et Processione in die Purificationis beatae Mariæ, et in benedictione Cinerum, ac benedictione Palmarum, et Processione: in Cathedralibus, et præcipuis Ecclesiis utuntur Planetis plicatis ante pectus: quam Planetam Diaconus dimittit cum lecturus est Evangelium, eaque tunc super sinistrum humerum super Stolam complicatur: aut ponitur aliud genus Stolæ latioris in modum Planetæ plicatæ; et facta Communione resumit Planetam, ut prius. Similiter Subdiaconus dimittit eam cum lecturus est Epistolam, quam legit in Alba, et ea finita, osculataque Celebrantis manu, Planetam resumit, ut prius.

7. In minoribus autem Ecclesiis, prædictis diebus jejuniorum Alba tantum amicti ministrant: Subdiaconus cum Manipulo, Diaconus etiam cum Stola ab humero sinistro pendente sub dexterum.

XX. DE PRÆPARATIONE ALTARIS, ET ORNAMENTORUM EJUS

1. Altare, in quo sacrosanctum Missæ sacrificium celebrandum est, debet esse lapideum, et ab Episcopo, sive ab Abbe facultatem a Sede Apostolica habente consecratum: vel saltem ara lapidea, similiter ab Episcopo vel Abbe, ut supra, consecrata, in eo inserta, quæ tam ampla sit, ut Hostiam et majorem partem Calicis capiat. Hoc Altare operiatur tribus mappis seu tobaleis mundis, ab Episcopo vel alio habente potestatem benedictis, superiori saltē oblonga, quæ usque ad terram pertingat, duabus aliis brevioribus, vel una duplicata. Pallio quoque ornetur coloris, quoad fieri potest,

diei Festo vel Officio convenientis. Super Altare collocetur Crux in medio, et Candelabra saltem duo cum candelis accensis hinc et inde in utroque ejus latere. Ad Crucis pedem conatu, Tabella Secretarum appellata. In cornu Epistolæ cussinus supponendus Missali: et ab eadem parte Epistolæ paretur cereus, ad elevationem Sacramenti accendens, parva campanula, ampullæ vitreæ vini et aquæ cum pelvicula, et manutergio mundo in fenestella, seu in parva mensa ad hæc præparata. Super Altare nihil omnino ponatur, quod ad Missæ sacrificium, vel ipsius Altaris ornatum non pertineat.

Concordat cum suo Originali. In fidem, etc.
Ex Secretaria Sacrorum Rituum Congregationis hac die 3 Sept. 1883.

L.  S.

LAURENTIUS SALVATI, S. R. Secretarius.

Rubricæ Speciales Missalis Romani reformatae

POST ORATIONEM DOMINICÆ I ADVENTUS

Si autem facienda sit Commemoratio alicujus Festi occurrentis, post orationem diei dicitur secunda Oratio de Sancto, et tertia de Sancta Maria.

IN FINE MISSÆ SS. INNOCENTIUM

Si Festum S. Thomæ impediatur a Dominica, celebratur Feria secunda sequenti tamquam in sede propria.

IN FINE MISSÆ S. THOMÆ EPISC. ET MART.

Si Festum Nativitatis Domini, S. Stephani, S. Joannis Evangelistæ, et Ss. Innocentium venerit in Dominica, ipsa die nihil fit de Dominica; sed die

proximo post festum S. Thomæ Martyris dicitur Missa de Dominica. Si autem Festum S. Thomæ impediatur a Dominica, dicitur Missa de ea, cum commemoratione Octavarum, et Festum S. Thomæ eo anno celebratur Feria II sequenti tamquam in sede propria.

IN FINE MISSÆ EPIPHANIÆ DOMINI

De Festis Duplicibus majoribus et alicujus Doctoris Ecclesiæ, quæ infra Octavam veniunt, nihil tunc agitur (nisi tantum de Patrono vel Titulari Ecclesiæ, et de Dedicatione ejusdem, in propria Ecclesia, non tamen in Octava), sed peracta Octava celebrantur: de aliis vero Duplicibus, de Semiduplicibus et de Simplicibus occurrentibus fit tantum commemoratio.

IN FINE MISSÆ OCTAVÆ EPIPHANIÆ

Si Dominica Septuagesimæ venerit sequenti Dominica post Octavam Epiphaniæ, in praecedenti Sabbato, si non est impeditum Festo Semiduplici, dicitur Missa de Dominica secunda post Epiphaniæ cum commemoratione Festi Simplicis, si in eo occurrat. Si vero Sabbatum fuerit impeditum Festo Semiduplici, tunc prima die post Octavam Epiphaniæ, in qua non sit Festum Duplex, dicitur Missa de secunda Dominica, et de Festo Semiduplici in ea occurrente fit tantum commemoratio.

IN FINE MISSÆ DOMINICÆ RESURRECTIONIS

Infra Octavam Paschæ non fit de aliquo Duplici vel Semiduplici, sed Duplia quæ transferri possunt, post Octavam celebrantur; de Duplicibus autem quæ transferri nequeunt, de Semiduplicibus et Simplicibus occurrentibus post hoc tridum, fit tantum commemoratio.

POST ORATIONEM FERIÆ IV POST PASCHA

Ab hac die usque ad Sabbatum in Albis inclusive, post Orationem diei dicitur una ex sequentibus Orationibus tantum, nisi facienda sit commemorationis alicujus Festi Simplicis vel ad modum Simplicis occurrentis.

IN FINE MISSÆ DOMINICÆ INFRA OCTAVAM ASCENSIONIS

In Octava Ascensionis dicitur Missa sicut in die, cum una tantum Oratione, nisi occurrat Festum Simplex vel ad modum Simplicis.

IN FINE MISSÆ DOMINICÆ PENTECOSTES

Infra Octavam Pentecostes non fit de aliquo Festo Duplici vel Semiduplici, sed Duplia quæ transferri possunt, post Octavam celebrantur: de Duplici quod transferri nequeat, de Semiduplici et de Simplici occurrente post triduum fit commemorationis tantum.

FERIA IV QUATUOR TEMPORUM PENTECOSTES RUBRICA
ANTE EPISTOLAM

Occurrente Festo Simplici, aut reducendo ad instar Simplicis, omittitur Oratio *Ecclesiæ tuae*, vel pro Papa.

IN VIGILIA S. ANDREE APOSTOL. DIE 29 DE NOVEMBRI
RUBRICA ANTE EPISTOLAM

Si Festum S. Andreæ venerit in Dominica transfertur in sequentem diem, Festo Duplici, vel Semiduplici non impeditam: quod et in aliis Festis Duplicibus in Dominicis Adventus occurrentibus, juxta modum in Rubricis Generalibus expositum, servatur; et in illis semper fit commemorationis de Adventu. De Simplicibus autem toto Adventu fit tantum commemorationis.

IN FINE MISSÆ IMMACULATÆ CONCEPTIONIS B. M. V.

DIE 8 DECEMBRIS. POST DELENDAM RUBRICAM

Si festum... in eam incidente

Infra Octavam Immaculatae Conceptionis B. M. V., et in die Octava dicitur Missa sicut in die Festi; sed infra Octavam dicitur secunda Oratio de Feria, tertia vero, quando non fit commemorationis Festi Simplicis vel ad modum Simplicis, dicitur de Spiritu Sancto.

DOMINICA II. POST EPIPHANIAM. POST ORATIONEM IN FESTO
SS. NOMINIS JESU

Si occurrit aliquod Festum Simplex, fit de eo commemorationis in Missis privatis tantum: de Duplici vero ac Semiduplici, cuius facta est commemorationis per modum Simplicis in Officio, etiam in Missa solemnii fit commemorationis.

RUBRICA POST FESTUM S. BENEDICTI ABBATIS DIE 21 MARTII

De Festis Duplicibus, quæ transferri possunt, et veniunt a Dominica Palmarum usque ad Octavam Paschæ, nihil fit: sed post Octavam celebrantur: et tunc in fine Introitus ante Psalmum dicuntur duo *Alleluja*, et in fine Offertorii et Communionis, unum *Alleluja*. Post Epistolam non dicitur Graduale, sed dicuntur duo Versus, cum quatuor *Alleluja*, ut notatum est in Sabbato in Albis. Et hoc idem observatur in omnibus Festis, quæ celebrantur inter Pascha et Pentecosten. De Duplicibus vero quæ transferri nequeunt, et de Semiduplicibus occurrentibus in Dominicis Palmarum, ultimo triduo Hebdomadæ majoris et triduo Paschæ nihil fit: reliquis diebus a Dominica Palmarum usque ad Octavam Paschæ inclusive, fit de eis tantum commemorationis.

IN FINE MISSÆ S. ANICETI PAPÆ ET MARTYRIS
DIE 17 APRILIS

Si hoc Festum celebretur post Pentecosten, tunc Missa erit *Sacerdos Dei et Evangelium Si quis vult.* de Communi unius Martyris Pontificis, secundo loco.

IN FINE MISSÆ SS. SOTERIS ET CAJI MARTYRUM
DIE 22 APRILIS

Si hoc Festum celebretur post Pentecosten, tunc Missa erit *Intret in conspectu tuo,* et Oratio *Beatorum Martyrum.* de Communi plurimorum Martyrum extra tempus Paschale.

IN FINE MISSÆ S. GEORGII MART. DIE 23 APRILIS

Si hoc Festum celebretur post Pentecosten, Missa erit *In virtute,* de Communi unius Martyris extra tempus Paschale cum Orationibus supra positis; Evangelium vero *Si quis venit.* Secunda Oratio (nisi facienda sit commemoratio alicujus Simplicis) erit *A cunctis.* Tertia ad libitum.

IN FINE MISSÆ S. FIDELIS A SIGMARINGA MARTYRIS
DIE 24 APRILIS

Si hoc Festum celebrandum sit post Pentecosten, Missa erit *In virtute,* ut in Communi unius Martyris extra tempus Paschale, præter Orationes ut supra, et Evangelium *Si quis venit.*

IN FINE MISSÆ S. PETRI MARTYRIS DIE 29 APRILIS

Si Festum S. Petri celebrandum sit post Pentecosten, Missa erit *Lætabitur justus,* de Communi unius Martyris non Pontificis, præter Orationes proprias, ut supra, et Evangelium *Si quis vult post me venire.*

POST MISSAM SS. NEREI, ACHILEI, DOMITILLÆ VIRG. ATQUE
PANCRATII, MARTYRUM DIE 12 MAJII

Si vero hoc Festum celebretur extra tempus Paschale, Missa erit sequens.

ANTE MISSAM S. LEONIS PAPÆ ET CONFESSORIS
DIE 28 JUNII

Si sequens Festum S. Leonis venerit in Dominica Missa dicitur de Dominica cum commemoratione S. Leonis et S. Joannis; et in Sabbato præcedenti dicitur Missa de Vigilia Apostolorum: secunda Oratio de S. Joanne, tertia de Beata Maria *Concede nos.*

IN FINE MISSÆ PRETIOSISSIMI SANGUINIS D. N. J. C.

Si hodie occurrat Festum Visitationis Beatae Mariæ Virginis aut aliud Festum æqualis vel altioris ritus, de Pretiosissimo Sanguine fiet prima die non impedita a Festo Duplice I vel II classis, translato inde juxta rubricas Festo Duplice majori vel aliqui-jus Doctoris Ecclesiæ; de alio vero Duplice vel Semiduplice Dominica occurrente, fit tantum commemoratio etiam in Missa solempni.

DOMINICA INFRA OCTAVAM ASSUMPTIONIS B. M. VIRGINIS. POST
ORATIONEM IN FESTO S. JOACHIM CONFESSORIS ET PATRIS
EJUSDEM B. M. V.

Fit commemoratio Dominicæ occurrentis nec non Festi ad modum Simplicis recolendi, si occurrat; ac Simplicis occurrentis, sed de hoc ultimo in Missis privatis tantum, et in fine dicitur Evangelium ejusdem Dominicæ.

DOMINICA III SEPTEMBRIS. POST ORATIONEM IN FESTO
SEPTEM DOLORUM B. M. V.

Impedita Dominicæ III Septembbris ob occursum Festi ritus Duplicitis I vel II classis, vel die Octavæ

Patroni, Titularis, Dedicationis, etc., Festum Dolorum transfertur in proximiorem Dominicam. etiamsi incidat cum Festo ritus Duplicis minoris (de qua tunc facienda erit commemoratio ad instar Simplicis juxta rubricas), dummodo non sit dies Octava Patroni, Titularis, Dedicationis, etc. Quod si usque ad Adventum nulla supersit Dominica libera, Festum septem Dolorum ponatur, juxta rubricas in prima die non impedita post Dominicam III Septembbris.

ANTE MISSAM SS. CORNELII ET CYPRIANI POST. ET MART.
DIE 16 SEPTEMBRIS

Si sequens Festum Ss. Cornelii et Cypriani venerit in Dominica, in ea fit commemoratio Ss. Cornelii et Cypriani ac Ss. Euphemiae, etc. Si vero occurrat in Feria IV. Quatuor Temporum, in Missa Ss. Cornelii et Cypriani fit commemoratio primum de Feria, postea de Ss. Euphemia, etc. Et in Ecclesiis Cathedralibus et Collegiatis dicuntur duæ Missæ, una de Ss. Cornelio et Cypriano, in qua fit commemoratio Ss. Euphemiae, etc., altera de dicta Feria, sine commemoratione Sanctorum.

RUBRICA POST ORATIONEM FESTIVAM S. LINI PAPÆ ET MART.
DIE 23 SEPTEMBRIS

Deinde fit commemoratio S. Theclæ Virginis et Martyris. Si venerit in Dominica, in Missa de eadem Dominica fit commemoratio S. Lini, et deinde S. Theclæ.

Concordat cum suo Originali. In fidem, etc.

Ex secretaria Sacrorum Rituum Congregationis ac die 10 Septembbris 1883.

L.  S.

LAURENTIUS SALVATI, S. R. C. Secretarius.

CAPÍTULO XXIII

Ritus servandus in celebratione Missæ

DE PREPARATIONE SACERDOTIS CELEBRATURI

766. 1. Sacerdos celebraturus Missam, prævia confessione Sacramentali, quando opus est, et saltem Matutino cum Laudibus absoluto, orationi aliquantulum vacet, et Orationes inferius positas pro temporis opportunitate dicat. Deinde accedit ad locum in Sacristia, vel alibi præparatum; ubi paramenta, aliaque ad celebrationem necessaria habentur: accipit Missale, perquirit Missam, perlegit et signacula ordinat ad ea quæ dicturus est. Postea lavat manus, dicens Orationem inferius positam. Deinde præparat Calicem, qui debet esse vel aureus, vel argenteus, aut saltem habere cuppam argenteam inauratam, et simul cum Patena itidem inaurata, ab Episcopo consecratus: super ejus os ponit purificatorium mundum, et super illud Patenam cum Hostia integra, quam leviter extergit, si opus est a fragmentis, et eam tegit palla parva linea, tum velo serico; super velo ponit bursam coloris paramentorum, intus habentem Corporale plicatum, quod ex lino tantum esse debet, nec serico, vel auro in medio intextum, sed totum album, et ab Episcopo, vel alio habente facultatem, simul cum palla benedictum.

2. Quibus ita dispositis, accedit ad paramenta quæ non debent esse lacera, aut scissa, sed integra et decenter munda ac pulera, et ab Episcopo itidem, vel alio facultatem habente, benedicta: ubi calceatus pedibus, et induitus vestibus sibi convenientibus, quarum exterior saltem talum pedis attingat; induit se, si sit Prælatus secularis, super rochetum; si sit Prælatus regularis, vel alias Sacerdos